

8. gr.

Heimild til að afturkalla leyfi til hundahalds.

Sé um alvarlegt eða ítrekað brot á samþykkt þessari að ræða, getur dýraeftirlitsmaður í samráði við heilbrigðisfulltrúa, afturkallað skráningu fyrir einstökum hundum og bannað viðkomandi eiganda að vera með hund á Seltjarnarnesi um lengri eða skemmri tíma.

9. gr.

Takmörkun á hundahaldi.

Bæjarstjórn getur, að fengnum tillögum heilbrigðisnefndar, ákveðið að veita ekki heimild til hundahalds fyrir ákveðnum hundategundum sem taldar eru hættulegar.

Bæjarstjórn getur ákveðið að merkja ákveðin svæði þar sem ekki má vera með hunda. Einnig getur bæjarstjórn ákveðið að láta afmarka ákveðin svæði þar sem má sleppa hundum lausum. Svæði þessi skulu auglýst og kynnt sérstaklega fyrir hundaeigendum.

Um aðrar takmarkanir á aðgengi hunda gilda ákvæði heilbrigðisreglugerðar nr. 149/1990, með síðari breytingum og reglugerðar nr. 522/1994 um matvælaeftirlit og hollustuhætti við framleiðslu og dreifingu matvæla, með síðari breytingum.

10. gr.

Málskot.

Ákvörðunum samkvæmt samþykkt þessari er heimilt að skjóta til heilbrigðisnefndar Kjósarsvæðis. Að öðru leyti fer um málskot samkvæmt lögum nr. 7/1998, um hollustuhætti og mengunarvarnir, með síðari breytingum.

11. gr.

Viðurlög.

Brot gegn samþykkt þessari varða sektum, nema þyngri refsing liggji við að lögum.

Með mál út af brotum á samþykkt þessari eða reglum sem settar eru samkvæmt henni, skal farið sem opinbert mál.

12. gr.

Gildistaka.

Ofangreind samþykkt bæjarstjórnar Seltjarnarness, sem sett er að fengnum tillögum heilbrigðisnefndar Kjósarsvæðis, staðfestist hér með samkvæmt 25. gr. laga nr. 7/1998, um hollustuhætti og mengunarvarnir, með síðari breytingum, til þess að öðlast gildi við birtingu.

Umhverfisráðuneytinu, 21. júlí 1999.

F. h. r.

Ingimar Sigurðsson.

Sigurbjörg Sæmundsdóttir.

REGLUGERÐ

um afnám reglugerðar nr. 273/1969 um starfssvið og starfshætti eiturefnanefndar.

1. gr.

Reglugerð nr. 273/1969 um starfssvið og starfshætti eiturefnanefndar er felld úr gildi.

2. gr.

Reglugerð þessi er sett í samræmi við breytingu á lögum nr. 52/1988, sbr. lög nr. 1/1992 um ráðstafanir í ríkisfjármálum, og öðlast þegar gildi.

Umhverfisstjórnuneytinu, 22. júlí 1999.

Siv Friðleifsdóttir.

Ingimar Sigurðsson.

REGLUGERÐ

um afnám reglugerðar nr. 397/1990 um skráningu Gammatox (lindans).

1. gr.

Reglugerð nr. 397/1990 um skráningu Gammatox (lindans) er felld úr gildi.

2. gr.

Reglugerð þessi er sett með stoð í 16. gr. laga nr. 52/1988 um eiturefni og hættuleg efni og öðlast þegar gildi.

Umhverfisstjórnuneytinu, 22. júlí 1999.

Siv Friðleifsdóttir.

Ingimar Sigurðsson.

AUGLÝSING

um deiliskipulag í Innri-Akraneshreppi.

Samkvæmt skipulags- og byggingarlögum nr. 73/1997 samþykkt sveitarstjórn Innri-Akraneshrepps þann 17. desember 1998 nýtt deiliskipulag af frístundabyggð og Skógræktar-svæði að Kúludalsá, Innri-Akraneshreppi í Borgarfirði.

Greinargerð og uppdættir hafa hlotið þá meðferð sem skipulags- og byggingarlög mæla fyrir um.

Deiliskipulagssvæði þetta öðlast þegar gildi.

Akranesi, 23. júlí 1999.

F.h. Innri-Akraneshrepps,

Bjarni O. V. Þóroddsson byggingafulltrúi.